

89. "Очиқ хат" китоби



12:31 / 24.03.2015 3751

"Очиқ хат" китоби

Шайх Муҳаммад Содик Муҳаммад Юсуф ҳазратларининг қаламларига мансуб «Очиқ хат» деб номланган китоб.

БИСМИЛЛАҲИР РОҲМАНИР РОҲИЙМ

Бандаларини тоқатларига яраша амалга амр қилган Аллоҳ таоло-га битмас-туғанмас ҳамду санолар бўлсин!

Умматларини осон йўлдан бошлаган маҳбуб Пайғамбаримиз Муҳаммад Мустафога мукаммал ва батамом салавотлар ва дурудлар бўлсин!

Аллоҳ таолонинг иродаси ила мусулмон олами ўзининг тарихи давомида кўпгина ҳолатларни бошидан кечирган. Яхши ҳолатлар ҳам бўлган, шунинг билан бирга ноxуш ҳолатлар ҳам бўлган. Бун-дай ҳолат ғайrimusulmon халқлар тарихида ҳам кузатилган. Аслида бу дунё ҳаётининг Аллоҳ таоло жорий қилган қоидалари шундай тузилган. Мусулмон халқлар тарихига назар соладиган бўлсак, тушкунлик ҳолатлари ўзининг алоҳида хусусиятлари билан ажралиб туради.

Мисол учун, салиб урушлари мусулмон олами бошига жуда кўп бало-

офатлар келишига сабаб бўлди. Икки юз йил давом этган бу урушлар сабабидан мусулмон олами мисли кўрилмаган катта зарар тортди. Аммо мусулмон халқлар ҳукамолар ва уламолар раҳбарлигига бошлариға тушган бу мусибатларнинг сабабларини ўргандилар ва уни бартараф этиш чораларини кўрдилар. Аллоҳ тао-лодан ёрдам сўраган ҳолда ҳаракат қилиб, яхши натижаларга эриш-дилар.

Ундан кейинги энг катта мусибат мўғул босқинчилари томони-дан бўлди. Дастреб мусулмонлар гангиб қолдилар. Мўғулларни қиёмат қоим яқин қолганда чиқадиган яъжуҷ ва маъжуҷлар деб хаёл қилганлар ҳам бўлди. Аммо бу сафар ҳам мусулмон олами аста-секин ўзига кела бошлади. Охир-оқибат ҳукамолар ва уламолар раҳбарлигига бошлариға тушган мусибатнинг сабабларини ўрганиб, уни бартараф этиш чораларини кўрдилар. Аллоҳ таолодан ёрдам сўраган ҳолда ҳаракат қилдилар ва яхши натижаларга эришдилар.

Мусулмон оламининг бошига тушган учинчи катта мусибат мустамлакачилик бўлди. Ушбу сиёsat бўйича олиб борилган ҳаракат натижасида мусулмон оламида у ёки бу мустамлакачи дав-лат қўл остига тушмаган мусулмон халқ ва тупроқ қолмади. Бу са-фарги мусибат аввалги икки мусибатдан кам бўлмади. Аммо Аллоҳ таолога ҳамду санолар бўлсинки, ҳукамолар ва уламолар раҳбарлигига бошлариға тушган мусибатнинг сабабларини ўргандилар ва уни бартараф этиш чораларини кўрдилар. Аллоҳ тао-лодан ёрдам сўраган ҳолда ҳаракат қилдилар ва яхши натижаларга эришдилар.

Мусулмон олами ҳозирда бошидан кечириб турган мусибатлар ҳам ўзини билган ҳар бир шахс учун жуда катта мусибатдир. Бу му-сибатнинг асосий айборларидан бири мусулмонларнинг ўзларидан чиқсан бемаъни тоифалардир, десак муболаға қилмаган бўламиз. Мазкур тоифалар қўзғаган ва олиб бораётган жоҳилона ҳаракатлар оқибатида бутун мусулмон олами жафо чекмоқда. Ушбу жафо ва мусибатларнинг ҳажми шу қадар каттаки, ҳаётнинг турли соҳаларида дунё бўйлаб мусулмонларга катта заарлар етмоқда...

Хайриятки, ушбу аянчли ҳолатдан чиқишини ўйлаётган ва бу бо-рада қўлидан келганича ҳаракат қилаётган кишилар кўпайиб бормоқда. Жумладан, охирги пайтда мусулмонлар бошига тушаёт-ган мусибатларга сабаб бўлаётган тоифаларга қарши баъзи мусул-мон уламолар «очик хат» билан чиқдилар. Бу хат муаммони ҳал қилиш бўйича кўрилаётган, кўпчиликка яхши таъсир қилган чора-лардан бири бўлди.

Ушбу очик хат матнини кўпчиликка етказиш мақсадида уни бир рисола шаклида чоп этишини ният қилган эдик. Шу муносабат ила, фурсатдан фойдаланиб, яна айтмоқчи бўлган баъзи фикр ва мулоҳазаларни ҳам

қўшиб тақдим қилишни раво кўрдик. Зотан, ҳар бир муаммони ҳал қилиш учун унинг сабабларини яхшилаб ўрганиш ва уларни бирма-бир муолажа қилиш зарур бўлади. Кўпчиликнинг таъкидлашича, мусулмон оламининг ҳаётида пайдо бўлаётган бугунги кундаги аксарият муаммоларнинг бошида bemazhab ва ilmsiz жамоа ва шахсларнинг бедодликлари туради. Келаси сатрларда мазкур ҳолатни ожизона баён қилишга уриниш бор, десак муболаға қилмаган бўламиз.

Муаллиф.

Тошкент.

Ҳижрий 1436 сана, муҳаррам.

Милодий 2014 сана, ноябрь.

Муаллиф: Шайх Муҳаммад Содик Муҳаммад Юсуф

Номи: «Очиқ хат»

Нашриёт: «HIOL NASHR» Нашриёти

Сана: 2015

Ҳажми: 184 бет

ISBN: 978-9943-4160-1-7

Ўлчами: 84×108 1/32

Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 06-сонли хulosasi илингандан чоп этилган

МУНДАРИЖА

Ачинарли ҳолат

Ислом – тинчлик дини

Террорга оид хабарлар

Террорнинг тарихи

Хатони тўғрилаш борасидаги ҳаракатлар

Иститоъа фиқҳи

Ислом шариати инсонга енгиллик келтирган, оғирлик эмас

Шаръий мажбуриятларга тоқат етиши шарт қилинган

Олий мисол ва воқелик

Амри маъруф, нахъи мункар ҳам иститоъага қараб бўлади

Натижага қараб иш қилиш лозим

Енгиллик тарафи устун олинади

Шошқалоқлик – заарарли иллат
Мұтадиллик – әнг зарур хислат
Йүлини топса, сулх ҳам фатх бўлади
Инститоъа фиқҳи ва фиқҳий қоидалар
Заарарни даф қилиш хусусидаги қоидалар
Тангликни кўтариш ҳақидаги қоидалар
Хулоса
Очиқ хат
Хулоса